

SISWATI LULWIMI LWEKUCALA LWEKWENGETA: LIPHEPHA II
SISWATI FIRST ADDITIONAL LANGUAGE: PAPER II

Sikhatsi: 2½ Emahora

Emamaki: 100

TICONDZISO

1. Leliphepha lemibuto linemakhasi la-4.
 2. Leliphepha lemibuto lehlukaniswe tigaba letimbili, Sigaba A neSigaba B.
 3. Sigaba A sinemamaki la-60, Sigaba B sinemamaki la-40.
 4. Fundzisisa kutsi leso naleso sigaba siphendvulwa kanjani.
 5. Cala leso naleso sigaba ekhasini lelisha.
 6. Bhala linani lemagama lowasebentisile ekugcineni kwaleyo naleyo mphendvulo yakho.
 7. Phendvula yonkhe imibuto ngeSiswati lesemukelekile.
 8. Hlela kahle umsebenti wakho ubuye ubhale ngesandla lesifundzekako.
-

SIGABA A TEMIBHALO**UMBHALO UMDLALO****TENTILE: S. M. Magagula**

Phendvula yonkhe imibuto kulena lemine lebutiwe. Ungakhohlwa kwesekela lokushoko ngaloko lesikutfola endzabeni.

UMBUTO 1

Fundza lethekesthi bese uphendvula imibuto lelandzelako.

(Tentile usele yedvwa endlini. Asukume atsatse umntfwana lebekasolo alele phansi.)

Tentile (yedvwa) Maye Jehova! Maye mine ngitawushonaphi? Kuliciniso, live lingihlahlele emehlo. Bangani baVeli bayasonga ngami. Bantfu bangibuka bangishalatele. Ekhaya, batali bami babuhlungu ngami, ngibangenise ehlazweni. Sengiyintfo yani nje mine emhlabeni? *(amunyise umntfwana)* Ngiyesaba! Yebo Rosemary mngani wami, ingabe uyangikholwa yini nobe nawe utawulingisa bonkhe, ungishalatele mngani wami senginuka bubi bekubulala. Sekungenele, kungenele nami kufa. Ngingeke ngikhone kukhuluma ngitihlambulule kubantfu. Rosemary mngani wami, nobe ungekho ngikulindzele. Kodvwa angifisi ungikhandze. Ngiyawesaba emehlo nemagama akho ekungililela nobe ungisole. Wena uyati yonkhe imphilo yami. Wawungicwayisa kulokunyenti. Mhlawumbe wena uyo sala ungikhulumela kahle eveni lelingibuka bubi. Mine kungenele, kungenele.

(Asukume alalise umntfwana, atsatse emaphepha nepeniseli ahlale phansi abhale akhuluma)

[Likhasi: 85]

- 1.1 Batali baTentile bayephi njengobe bamshiye yedvwana lapha ekhaya? (2)
- 1.2 Nika tizatfu tibe timbili letibangela Tentile angakujabuleli kuphila kulomdlalo. (2)
- 1.3 BakaNkhambule bakhulunyelwa yindvuna Ndlela ngesikhatsi kunenkonzo yekukhumbula Veli kaNdwandwe. Abatikhulumeli leni bona? Nika tizatfu letimbili. (2)
- 1.4 Tumekile kumele akhuliswe ngubani njengobe batali bakhe bangasekho emhlabeni? Sekela imphendvulo yakho ngeliphuzu linye. (2)
- 1.5 Rosemary ungumntfu lonjani? Chaza similo sakhe ngemaphuzu lamatsatfu. (3)
- 1.6 Ngekusho kwaNkhambule, kwendzisa intfombatane kuyasita ngetindlela letinyenti. Bhala tintfo letine letenta lelisiko litsandvwe batali. (4)

[15]

UMBUTO 2 INDZABAMBHALO LEMFISHA

Emphilweni tinhlanhla tivame kuwela kulabo labangatidzingi. Bhala indzabambhalo uvete kutsi lamagama ahambelana kanjani nemphilo yaTentile naRosemary kulomdlalo. Imphendvulo yakho ayibe **ngemagama la-100–200**.

[15]**UMBUTO 3 INKHULUMISWANO**

Kunenkhulumiswano/Inkhulumomphendvulwano emkhatsini waLaMatsebula naTentile ngesikhatsi atfunywe nguNkhambule kutsi akhulume naTentile ngendzaba yekumendzisa kuSimelane. Bhala inkhulumiswano/inkhulumomphendvulwano yaletikhulumi usebentise akho emagama. Imphendvulo yakho ayibe **ngemagama la-80–100**.

[10]**UMBUTO 4 INDZABAMBHALO LENDZE**

Khetsa nobe nguwuphi umbuto **UBE MUNYE** kulena lelandzelako uphendvule ngawo. Leyo naleyo mphendvulo yakho ayibe **nemagama la-120–150**.

- 4.1 Tentile utifaka yena etinkingeni letimenta agcine afisa kufa kulomdlalo. Bhala indzabambhalo wesekele lombono ngemaphuzu lasihlanu lowatfole kulendzaba. (20)

NOBE

- 4.2 Umbhali abehlose kwendlulisa tifundvo letitsite emmangweni ngalomdlalo wakhe. Bhala indzabambhalo wesekele ngemaphuzu lasihlanu. (20)

[20]

60 emamaki

SIGABA B EMATHEKSTHI EMIBHALOMBIKO

Phendvula yomibili lemibuto kulesigaba.

UMBUTO 5 INCWADZI YEBUNGANI

Umngani wakho ushaywe tigebengu walimala kamatima. Kutsiwa esibhedlela utawuhlala emaviki lamabili. Bhala incwadzi umvusele, umtekele nekutsi uhambe njani umcimbi waSifiso evikini leliphelile.

Imphendvulo yakho ayibe **ngemagama la-150–200**.

[30]

UMBUTO 6 TICONDZISO

Umhlaba wonkhe uhlaselwe ngumkhuhlane weCOVID-19. Thishela wakho ukucele kutsi ubhale ticondziso letingasita ekuvikeleni kwandza kwalomkhuhlane. Bhala leticondziso tibe sikhombisa (7).

Imphendvulo yakho ayibe **ngemagama la-120–150**.

[10]

40 emamaki

Samba: 100 emamaki